

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
NEZAVISNI/NEOVISNI ODBOR

Na osnovu čl. 51. i 52. Zakona o unutrašnjim poslovima Federacije Bosne i Hercegovine ("Službene novine Federacije BiH", broj 81/14), člana 3. Pravilnika o postupku izbora, ocjenjivanja i razrješenja direktora i zamjenika direktora Federalne uprave policije, broj: 03/8-20/15 od 18. 5. 2015. godine i Odluke o raspisivanju Javnog konkursa za imenovanje direktora i zamjenika direktora Federalne uprave policije, broj: 04/2-02-2116/25 od 19. 11. 2025. godine, Nezavisni/Neovisni odbor, o b j a v l j u j e

**JAVNI KONKURS ZA IMENOVANJE
DIREKTORA I ZAMJENIKA DIREKTORA FEDERALNE UPRAVE POLICIJE**

Radna mjesta

01. **Direktor Federalne uprave policije** u sastavu Federalnog ministarstva unutrašnjih poslova (u daljem tekstu: Uprava policije) - broj izvršilaca: 1 (jedan).
02. **Zamjenik direktora Federalne uprave policije** u sastavu Federalnog ministarstva unutrašnjih poslova (u daljem tekstu: Uprava policije) - broj izvršilaca: 1 (jedan).

01. Opis poslova - Direktor Federalne uprave policije

Upravom policije rukovodi direktor policije.

Direktor Uprave policije za svoj rad odgovora ministru i Vladi Federacije.

Direktor Uprave policije i ministar ne mogu biti iz istog konstitutivnog naroda, s tim što jedan od njih može biti imenovan iz reda ostalih.

U rukovođenju Upravom policije direktor rukovodi svim organizacionim jedinicama u sastavu Uprave policije koje se utvrde Pravilnikom iz člana 19. stav (3) Zakona o unutrašnjim poslovima Federacije Bosne i Hercegovine ("Službene novine Federacije BiH", broj 81/14). Direktor Uprave policije obavlja sljedeće poslove propisane u članu 43. Zakona o unutrašnjim poslovima Federacije Bosne i Hercegovine i to:

- 1) nadgleda i usmjerava aktivnosti Uprave policije kojom rukovodi u skladu sa prioritetima koje odredi Vlada Federacije, uz konsultacije sa ministrom;
- 2) samostalno planira, upravlja, nadgleda i usmjerava cjelokupni rad Uprave policije;
- 3) neposredno rukovodi policijom, organiziranjem, objedinjavanjem i usavršavanjem rada Uprave policije;
- 4) učestvuje u izradi propisa iz nadležnosti Uprave policije;
- 5) nalaže upotrebu Specijalne policijske jedinice prilikom pružanja pomoći iz člana 39. st. (2) i (3) Zakona o unutrašnjim poslovima Federacije Bosne i Hercegovine;
- 6) donosi rješenja i odlučuje o pravima, dužnostima i odgovornostima policijskih službenika koji su u radnom odnosu u Upravi policije u skladu sa Zakonom o policijskim službenicima i Zakonom o plaćama i naknadama policijskih službenika i drugim propisima;
- 7) donosi rješenja i odlučuje o pravima, dužnostima i odgovornostima državnih službenika i namještenika koji su u radnom odnosu u Upravi policije u skladu sa federalnim zakonima kojima su uređena prava i dužnosti državnih službenika i namještenika;
- 8) sarađuje sa tužilaštvima, sudovima i drugim nadležnim pravosudnim organima u pitanjima iz nadležnosti Uprave policije;
- 9) priprema prijedloge potrebnih finansijskih i drugih sredstava za rad Uprave policije;

- 10) uspostavlja kooperativne i zajedničke akcije sa drugim nadležnim organima vlasti na svim nivoima organiziranja vlasti u Bosni i Hercegovini;
- 11) priprema programe, informacije, analize i druge materijale iz djelokruga Uprave policije na zahtjev ministra, Vlade Federacije ili na vlastitu inicijativu;
- 12) u skladu sa nadležnostima Uprave policije iz člana 31. Zakona o unutrašnjim poslovima Federacije Bosne i Hercegovine donosi odluke o utrošku odobrenih finansijskih sredstava potrebnih za rad Uprave policije, odgovoran je za utvrđivanje obaveza u vezi sa plaćama i naknadama zaposlenih, doprinosima poslodavca i ostalim doprinosima, troškovima za robe, usluge i nabavke sredstava za redovan rad u skladu s odobrenim budžetskim sredstvima za Upravu policije i računovodstvenim politikama korisnika budžeta i Trezora Federacije i odobrava isplatu finansijskih sredstava u okviru odobrenih sredstava dodijeljenih Upravi policije te priprema izvještaje i preporuke u vezi sa budžetom, operacijama i osobljem;
- 13) obavještava ministra o poduzetim aktivnostima Uprave policije, a odmah o događajima i rezultatima poduzetih aktivnosti koje imaju značaj za sigurnost građana i interese Federacije, što će ministar bliže urediti posebnim općim aktom u saradnji sa direktorom policije;
- 14) najmanje jednom mjesečno izvještava Nezavisni odbor o rezultatima rada Uprave policije i stavlja na raspolaganje sve tražene podatke i dokumentaciju iz nadležnosti rada Nezavisnog odbora;
- 15) odgovara za pravilan i namjenski utrošak sredstva specijalne kase iz člana 33. Zakona o unutrašnjim poslovima Federacije Bosne i Hercegovine;
- 16) donosi rješenja u prvostepenom upravnom postupku u skladu sa Zakonom o prijevozu opasnih materija;
- 17) obavlja i druge poslove iz nadležnosti Uprave policije određene ovim i drugim zakonom.

02. Opis poslova- Zamjenik direktora Federalne uprave policije

Direktor Federalne uprave policije ima jednog zamjenika koji pomaže direktoru u rukovođenju Federalnom upravom policije, što se utvrđuje Pravilnikom o unutrašnjoj organizaciji Federalnog ministarstva unutrašnjih poslova.

Pri imenovanju direktora i zamjenika direktora Federalne uprave policije vodi se računa o nacionalnoj pripadnosti. Zamjenik direktora za svoj rad odgovara direktoru Federalne uprave policije.

Opis poslova - obavlja poslove propisane u članu 45. Zakona o unutrašnjim poslovima Federacije Bosne i Hercegovine ("Službene novine Federacije BiH", broj 81/14) i to:

- 1) Zamjenik direktora Federalne uprave policije pomaže direktoru Federalne uprave policije u obavljanju poslova iz nadležnosti Federalne uprave policije koje mu odredi direktor policije, a u njegovom odsustvu obavlja sljedeće poslove: ako direktor Federalne uprave policije zbog isteka mandata, razrješenja sa dužnosti, ostavke, bolesti, odsustva ili drugog stvarnog ili pravnog razloga nije u mogućnosti obavljati dužnost rukovođenja Federalnom upravom policije, tu dužnost obavljat će zamjenik direktora policije sve dok direktor policije ne bude u stanju ponovo preuzme svoju dužnost ili dok se ne imenuje novi direktor Federalne uprave policije. Zamjenik direktora Federalne uprave policije preuzima dužnost direktora policije dan nakon donošenja rješenja o razrješenju sa dužnosti, prihvatanjem ostavke ili istekom mandata direktora Federalne uprave policije.
- 2) Ako je i zamjenik direktora Federalne uprave policije spriječen obavljati navedene poslove, zbog pravnih ili drugih razloga, direktor Federalne uprave policije zamjenjuje rukovodilac organizacione jedinice u kojoj se obavljaju poslovi kriminalističke policije sve dok direktor policije ne bude u stanju ponovo preuzeti svoju dužnost ili dok se ne imenuje novi direktor policije.
- 3) Zamjenik direktora Federalne uprave policije odgovara ministru i Vladi Federacije Bosne i Hercegovine kada zamjenjuje direktora policije u obavljanju gore navedenih poslova.

3. Kandidati za direktora i zamjenika direktora Uprave policije treba da ispunjavaju sljedeće opće i posebne uvjete:

- državljanin je Bosne i Hercegovine;
- ima visoku stručnu spremu najmanje VII. stepena obrazovanja ili završen prvi ciklus visokog obrazovanja sa 240 ECTS bodova ili drugog ili trećeg ciklusa Bolonjskog sistema studiranja;
- zdravstveno je sposoban za obavljanje dužnosti i zadataka direktora i zamjenika direktora Uprave policije ;
- ima najmanje tri godine iskustva u činu glavnog inspektora ili višem činu;
- nije mu izrečena krivična sankcija;
- protiv njega nije potvrđena optužnica;
- na njega se ne odnose odredbe člana IX. 1. Ustava Bosne i Hercegovine;
- za vrijeme raspisivanja javnog konkursa, kao i za vrijeme trajanja mandata iz člana 48. stav (1) ovog zakona, ne ispunjava zakonom predviđene uvjete za penzionisanje;
- nije bio član političke stranke niti je bio na bilo kojoj poziciji u političkoj stranci na bilo kojem nivou niti je bio postavljen na bilo koju poziciju u organima vlasti od političke stranke u posljednjih pet godina;
- da nije, niti je bio član izvršnog ili zakonodavnog tijela na bilo kojem nivou vlasti u Bosni i Hercegovini u posljednjih pet godina;
- da nije disciplinski kažnjavao za povrede službene dužnosti, osim lakših povreda službenih dužnosti.

4. Kandidati za direktora i zamjenika direktora Uprave policije uz prijavu (popunjeni aplikacioni obrazac) na Javni konkurs su dužni dostaviti sljedeće dokaze (orginal ili ovjerene fotokopije):

- Uvjerjenje o državljanstvu (ne starije od tri mjeseca),
- Dokaz o stručnoj spremi (diploma),
- Dokaz da je kandidat zdravstveno sposoban za obavljanje dužnosti i zadataka direktora i zamjenika direktora Uprave policije (ne starije od tri mjeseca),
- Rješenje o dodjeljivanju čina glavnog inspektora policije ili višem činu,
- Uvjerjenje poslodavca da kandidat ima najmanje tri godine iskustva u činu glavnog inspektora ili višem činu,
- Ovjerena izjava kandidata da se na njega ne odnose odredbe člana IX. 1. Ustava Bosne i Hercegovine,
- Uvjerjenje nadležnog suda da protiv kandidata nije pokrenut postupak i potvrđena optužnica u skladu sa zakonima o krivičnom postupku u Bosni i Hercegovini,
- Uvjerjenje/potvrda poslodavca kod kojeg je kandidat zaposlen da za vrijeme raspisivanja javnog konkursa, kao i za vrijeme trajanja mandata iz člana 48. stav (1) ovog zakona, ne ispunjava zakonom predviđene uvjete za penzionisanje,
- Izvod iz matične evidencije Federalnog zavoda za penzijsko i invalidsko osiguranje o stažu osiguranja i penzijskom stažu,
- Uvjerjenje/potvrda poslodavca da nije disciplinski kažnjavao za povrede službene dužnosti, osim lakših povreda službenih dužnosti,
- Ovjerene izjave kandidata da:

- nije bio član političke stranke niti je bio na bilo kojoj poziciji u političkoj stranci na bilo kojem nivou niti je bio postavljen na bilo koju poziciju u organima vlasti od političke stranke u posljednjih pet godina,
- da nije, niti je bio član izvršnog ili zakonodavnog tijela na bilo kojem nivou vlasti u Bosni i Hercegovini u posljednjih pet godina.

U postupku izbora kandidata za direktora i zamjenika direktora Uprave policije, Nezavisni odbor pored obavljenog razgovora (intervjua) posebno cijeni slijedeće kriterije: dostavljeni prijedlog plana i programa rada za vrijeme trajanja svog mandata (Program rada se može dostaviti odmah uz prijavu ili u roku od osam dana od dana prijema obavještenja za intervju).; stručno usavršavanje i godine policijskog iskustva na rukovodećim radnim mjestima.

Dokaze o stručnom usavršavanju kandidati dostavljaju uz prijavu na Javni konkurs.

Nezavisni odbor će službenim putem od nadležnog ministarstva unutrašnjih poslova zatražiti dokaze da predloženim kandidatima nije izrečena krivična sankcija.

U slučaju da u dostavljenim dokazima, postoje određene nejasnoće u pogledu ispunjavanja nekih propisanih opštih i posebnih uslova ovoga Javnog konkursa, Nezavisni odbor zadržava pravo da službenim putem zatraži o tome odgovarajuće pojašnjenje ili mišljenje od nadležnih organa, kao i dostavu odgovarajućih akata kao dokaza.

5. Mandat direktora i zamjenika direktora Uprave policije traje četiri godine i može se samo jednom uzastopno obnoviti.

6. Proces selekcije i imenovanja direktora i zamjenika direktora Uprave policije obuhvata: Nezavisni odbor razmatra prijave kandidata, provjerava dokumentaciju kandidata te u skladu sa propisanim uvjetima iz člana 54. Zakona o unutrašnjim poslovima Federacije BiH i Pravilnika iz člana 63. Zakona o unutrašnjim poslovima Federacije BiH, utvrđuje listu od najmanje tri kandidata koji ispunjavaju sve uvjete konkursa i koji imaju najbolje uvjete za direktora i zamjenika direktora Uprave policije, koju posredstvom ministra dostavlja Vladi Federacije.

7. Prijavu za Javni konkurs (aplikacioni obrazac) kandidati mogu preuzeti na web stranici Doma naroda i Predstavničkog doma Parlamenta Federacije BiH. U slučaju da se kandidati prijavljuju na obje pozicije potrebno je označiti obje pozicije u aplikacionom obrascu te na koverti navesti da je prijava za obje pozicije.

8. Konkurs ostaje otvoren 15 dana od dana objavljivanja u „Službenim novinama Federacije BiH“. Neuredne, nepotpune i neblagovremene prijave na Javni konkurs neće biti razmatrane.

Prijave sa dokumentacijom o ispunjavanju uvjeta sadržanih u Javnom konkursu kandidati su dužni dostaviti isključivo poštom preporučeno na adresu:

**PARLAMENT FEDERACIJE BOSNE I HERCEGOVINE
NEZAVISNI ODBOR**

(sa naznakom „NE OTVARATI“, Prijava za Javni konkurs za imenovanje direktora i
zamjenika direktora Federalne uprave policije)
Hamdije Kreševljakovića 3, 71000 Sarajevo

**PREDSJEDNIK
NEZAVISNOG ODBORA**